

Protocol no. 62
Sezzüda da gövgia, als 25 avrigl 2013 **09.30 – 12.15**

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Marco Fallet (protocol)

Protocol

Il protocol no. 61 da la sezzüda da marcurdi, als 10. avrigl 2013 vain approvà fond alchüns adattamaints.

536 790.501 Proget planisaziun cumünala
Pista Sömmi

Il Capo, Albert Mayer, orientescha sur da seis aboccamaint culs respunsabels da las Pendicularas Motta Naluns pervi da la tematica da la finischiun dal la pista dal Sömmi. Il Cussagl administrativ da las pendicularas sustegna l'intent dal cumün da Sent, dimena d'examinar üna varianta chi prevezz'ün lö central in cumün.

537 790.501 Proget planisaziun cumünala
Fora da Büz / Prà Vidal

Il Capo, Albert Mayer, piglia recusaziun. Il schef da planisaziun, Dumeng Jann, manzuna cha la cumischiun ha trattà il problem a regard Prà Vidal. Ün possessur nun ais pront da spordscher man per schoglier la problematica, uschè cha la cumischiun propuona da laschar la situaziun là sco ch'ell'ais. Plünavant propuon'ella, cha l'aggiunta 1, chapitel 7 – Fora da Büz, culla varianta per zonar oura, dess gnir s-chassada dal rapport da cooperaziun "Mitwirkungsbericht" da la revisiun da la planisaziun.

Ils motifs per quai sun:

- l's ha laschè davent la via chi maina suot oura (Jachen Zanetti).
- L'iniziativa cunter seguondas abitaziuns
- Recumbensar las parcelas chi sun gnüdas zonadas oura

Il Cussagl fa bun qista proposta.

538 790.501 Proget planisaziun cumünala
Proceder a regard lobgias

Il schef da fabrica, Dumeng Jann, orientescha cha'l sböz, redigi da la cumischiun, in quista fatschenda saja gnü trattà eir cul planisader O. Menghini. Da princip ha el cusglià da consultar al perit pro dumondas da fabrica cun lobgias. La cumischiun ha plüchöntschi la tendenza da chattar üna varianta, pro la quala nu's sto adüna trar nanpro il perit. Cun quel agir va il Cussagl d'accord.

**539 790.501 Proget planisaziun cumünala
Plan directiv regional**

Ün abitant ha suottamiss al Cussagl la dumonda, che posiziun cha quel piglia a regard la deponia e zona da mansteranza regionala previssa a Chanals, quai in connex cul plan directiv. Il Cussagl ha declerà, da vulair sustgnair ils lös sül territori dal cumün da Sent e ha eir intervenà in quel sen pro la PEB, la quala evaluescha plüs lös pella regiun.

**540 070.314 Mantegnimaint da stabels d'administraziun
Chasa cumünala Misoch / reparatura da l'ascensur**

I d'eira gnüda necessaria ultimamaing üna reparatura. La somma s'amunta a fr. 2'200.00. Il Cussagl conced'il credit. El discut'eir a regard la proposta da la ditta, dimena stipulaziun d'ün contrat da servezzan, chi gniss a cuostar fr. 1'500.00 l'on. Il Cussagl decida da na entrar in fatschenda.

**541 021 FABRICA
Curdin e Margaritta Horber-Pua, Plazzetta, fouras geotermicas,
parcella nr. 525**

L'acconsentimaint davart l'uffizi per la natüra e l'ambient ais avantman, uschè cha'l Cussagl conced'il permiss da fabrica cun vusch unanima.

**542 021 FABRICA
Madleine e Rolf Klaus, Plazzetta, fouras geotermicas, parcella nr.
336/337**

L'acconsentimaint davart l'uffizi per la natüra e l'ambient ais avantman, uschè cha'l Cussagl conced'il permiss da fabrica cun vusch unanima. Ün'ulteriura cundiziun fuorm'il fat, cha'ls patruns da fabrica han da's tgnair strictamaing vi dals termis dats avant dal cumün a regard la serrada da la via cumünala in cumbinaziun cullas lavuors da construcziun. Il scopo perquai ais il fat, cha las fouras vegnan a star sün terrain cumünal.

**543 021 FABRICA
Berni e Corinne Tschalär, Archas Sura, prolungaziun dal suottet,
parcella nr. 127**

La dumonda ais statta publichada e tuotta documainta ais avantman, inclus la conferma inscritta dal vaschin pel dret da fabricar plü dastrusch. Il Cussagl conced'il permiss per prolungar il tet dal suotpost fin pro'l mür da sustegn cun vusch unanima.

**544 021 FABRICA
Chasper Alexander Felix, Saglina, mantegnimaint spuondas da
las lobgias**

Seguond cumischiun da fabrica nun ais la publicaziun da la dumonda statta necessaria. Our da motivs da sgürezza ston las spuondas existentas gnir rimplazzadas resp. mantgnüdas. Il Cussagl conced'il permiss per quellas lavuors cun vusch unanima.

**545 021 FABRICA
Johann Otto Taverna, Tuols, nouv access pro la parcella nr. 556**

La dumonda ais statta publichada e tuotta documainta ais avantman. Ant co protrametter il permiss vain amo scleri plü a fuond a regard la distanza davent da la parcella vaschina in connex culla scarpada. (Abböschung).

546 021 FABRICA
Sabrina Largiadèr e Flavio Vital, Tuols, chasa d'abitar nouva
parcella nr. 625

La dumonda ais statta publichada e tuotta documainta ais avantman. Il Cussagl conced'ìl permiss pella construcziun d'üna chasa nouva d'abitar als duos prüms abitants da Sent, quai davo l'entrad'in vigur da l'iniziativa cunter seguondas abitaziuns. Il permiss s'inclegia culla resalva da l'acconsentimaint dal vaschin a regard la geometria da la scarpada da la via d'access.

547 021 FABRICA
Andrea Gasser, Curtin, müdamaints da proget e garascha nouva,
parcella nr. 342

La dumonda per effetuar divers müdamaints da proget sco eir per construir üna garascha nouva ais statta publichada e tuotta documainta, inclus la conferma in scrit dals vaschins pel dret da fabricar plü dastrusch resp. sül cunfin, ais avantman. Il Cussagl conced'ìl permiss da fabrica cun vusch unanima.

548 021 FABRICA
Swisscom, müdmaints vi da l'antenn'existentia, Spi dal Vinadi,
parcella nr. 1539

La cumischiun ha examinà la dumonda da fabrica e la documainta ais avantman in möd cumplet. Sün proposta da la cumischiun decid'ìl Cussagl d'inviar la dumonda inavant a l'uffizi per la planisaziun dal territori a Cuaira.

549 021 FABRICA
Patrick Janny, Bügl Süt, müdamaints da proget, parcella nr. 621

La dumonda per effetuar diversas lavuors da sbodamaint e da rimplazzamaint vi da la tettaglia e dal tet, per metter a nivel la culmaina vers ost per 25 cm e per rimplazzar 3 fanestras existentas pro la fatschada ost, ais statta publichada e tuotta documainta ais avantman. Il Cussagl conced'ìl permiss cun vusch unanima.

550 021 FABRICA
Thomas Schöpfer, chasa d'abitar, Flüs

Il schef da fabrica, Dumeng Jann, orientescha sur dal protocol da la collaudaziun dal fabricat. La fatschenda vain uossa trattada culs patruns da fabrica.

551 6 TRAFIC
Via chantunala Sent – Crusch / proget da refacziun

Il Capo ais gnü orientà davart l'uffizi da construcziun Bassa, cha quel prevezza da sanar la via chantunala, sül traget Sent-Crusch. La pürm'etappa ais previssa sül traget Saglina fin pro'l sboccamaint da la via champestra (Feldweg).

Il Cussagl examinescha la documainta e s'exprima cler pella realisaziun da quist intent chi significh'ün avantag pel cumün da Sent. Il temp da fabrica vain dat avant dal Chantun ed ais previs tanter il mais avuost ed october. Dürant quel temp sto il trafic gnir svià sülla via sunteri - Spinatscha.

552 011

LEGISLATIVA

Cumünanza d'urna dals 9 gün 2013 / stabilimaint Posta

Il Capo orientescha a regard la missiva chi vain uossa preparada pella radunanza d'urna. Divers puncts vegnan repassats e sclerits.

554 830

TURISSEM

Via da cuntrabanda Uina – Damal – Sesvenna / “Themenweg über die Grenze gehen”

Our da motivs da temp vain la tractanda suspaisa. Il Cussagl discuta però da procurar ch'Andera Gilli, promotur regional d'economia ed eir responsabel per progets d'Interegg, cumpariss per preschantar la fatschenda e pustüt eir la finanziaziun dal proget.

555

DIVERSAS SCHEFS

Hotel Aldier / defet da la chanalisaziun

Il vicecapo, Andri Poo, orientescha, cha la ditta Lazzarini ais gnüd'incumbenzada da refar la part da la lingia da chanalisaziun privata, la quala ais gnüda donnagiada caus'ils veiculs greivs chi trafichan sülla via cumünala. Ils cuosts per quella s'amuntan a ca. fr. 3'700.00 e van a charg dal cumün. Il Cussagl conced' il credit bsögnaivel.

556

ORIENTAZIUNS

Administraziun dals attests da perdita ed ils drets da pretaisa da la restituziun dals cuosts per la giuristicziun

L'administraziun da taglia dal chantun Grischun spordsch'als cumüns d'administrar tuot ils attests manzunats suvart. Davart dals chanzlists dals 5 cumüns da fusiun vain però propuonü da na dar our dman quista lavur, dimpersè da tgnair quella per ün'ev. cumplettaziun d'üna o l'otra piazza da lavur davo la fusiun. Cun quist va il Cussagl d'accord ed in quel sen vain tut posiziun pro'l Chantun.

Art Engiadina Sur En

Ils responsabels ingrazchan in scrit pella contribuziun vi dal simposi d'art a Sur En – stà 2013.

Pendicularas Motta Naluns

Quels ingrazchan in scrit pella contribuziun da fr. 1'800.00 dal cumün da Sent vi da las shows da sport d'inviern.

Alpagiada da muvel ester

La società da vachas mamma dumonda per alpagnar 12 vachas mamma cun vadels e duos chavagls. Il Cussagl aderischa a la dumonda cun vusch unanima.

557

VARIA

Da la tractanda Varia nu vain fat döver.

L'actuar:
Marco Fallet

Il Capo:
Albert Mayer

La trattativa nr. 553 nu vain publichada, causa cha quella suottastà al secret d'uffzi (fatschenda da persunal).